

近代中國史料叢刊第八十一輯

沈雲龍主編

儀徵劉孟瞻（文淇）先生年譜

小澤文四郎編

文海出版社

有限公司印行

儀徵劉孟瞻年譜



劉孟瞻

像徵劉孟瞻

年譜

己卯春日止軒諸稿



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





俯之世講，三人去歲曾覆一紙，諒已

鑒入比維

侍奉舅福著述日增，為頌。淇現為岑八校刻

輿地記勝及朱武曹禮先友記訓纂均約于春

夏間可以竣事，終日碌碌，未遑自理，舊業每念

英俊勤于編集，深為健美，尚語疏濬

尊甫正有長編

豈不該繼述盛業不佞高郵父子身美於前是  
所望也刻都轉子子慈氏發才深嗜金石  
昨持現款祥三級浮圖碑見示紀年元象  
正係東魏時物碑額居士趙姓係元代人不知此  
石在否如有是代拓數張以贈兩人沈君常山全

石者如有輝文心帶抄示沈君書德代光一節  
更物近來邑中曾訪得新出土及舊有  
者若干條

見和一二及出此奉示印版

侍安石一

文洪致首



楚楨十兄同年是下所接

是下手書得心

起居無恙嗣托孟唐大兄帶回一札想已經

賜覽弟自北來一路同孟唐行止抵常笑語不知山徑之

苦孟唐故長者爽甚平、然每與爽報自謂為手跡連負

不為屈也其可笑可知此弟造服孟唐之學其只為人之

質厚也其爽終不之許是又弟之倔強也孟唐之學有

實下手工夫 弟心佩之至前在途後及

吳下近日為毛鄭之學 弟聞之喜甚夫毛鄭非毛匹也 弟累年

究心毛故今始通其什八只餘出處尚有未敢詳者

吳下書成不可不先示一讀庶以啓弟之迷心也茲將毛鄭詩

譜叙錄呈

是正別有毛鄭詩譜宜日郵寄到場是乞

弟前元傳有言前人之失吾知之吾之未盡不能自知也

惟

大正董西正之五候

文安不宣

愚弟丁晏頓首十月初一日

再

端臨先生著述最於友人交見遺書一冊茲無不購訪如有印幸乞

賜一部為感及 毛部諸譜郵叙 閱後仍呈 孟廣兄察核妥復白

丁儉卿寄劉楚楨手札（橋川子庵先生所藏）

劉孟瞻先生年譜序

有清之世文治昌明學術號為極盛治經者咸能守師法通故訓精研博辨盡埽宋元以來空疏駁雜之弊其風尚肇於康熙雍正乾嘉而名儒輩出塗分流別著述迺冠絕於一代蓋乾嘉諸儒尊依漢詁凡所為書義例精密更張舊釋補失匡違董理之功遂軼晉唐舊疏之上閭之秩之良足尚矣儀徵劉孟瞻先生文淇崛起於嘉慶之季沈思博誦貫通群經尤致力於春秋左氏傳嘗

謂左氏之書久為杜征南所晦鄭康成賈景  
伯服子慎之古義雖孔仲達不能復辨乃鈞  
稽鄭賈服三家佚注及近代諸儒補注精校  
詳擇為左氏傳舊注疏證凡杜氏所排擊者  
糾正之沈沒者表著之斲之年戴屋寫長編其  
功未竟世深惜之厥後傳於伯山蘇松再傳於  
恭甫壽曾續纂至襄公四年亦復輟筆然一  
經相承三世傳業天下學者固歸伏久矣日  
本小澤文四郎介余及門孫子書以所輯孟瞻  
先生年譜見眎請序其端夫自古英賢才俊

其勛業文章垂著於世者後人企念風徽猶  
為旁徵傳記廣采遺聞著為譜錄用寄其  
景仰之忱況孟瞻先生世承素業厲志窮經  
身名不顯於當時撰述足傳於來葉承學之  
士習其遺書曰而攷其行實溯其師友交游  
為之論定生平藉以窺尋前輩進德脩業之  
軌其所係寧不鉅哉願年譜之作大抵出於  
子姓或門人故舊以其蒐采便而問見詳也今  
小澤君以東瀛隼士來學我邦慨慕先儒創  
編茲譜則輯錄之劬据摭之艱自什倍於常

倫然自屬稿迄於成書為期不越一載而取  
材必賅隸事咸允顏黃門所謂彙括有條例  
扶擇窮本原者殆足當之矣憶昔訪書江左  
先生故里頻歲經游而遺稿莫尋流風頓寂  
頃聞小澤君渡江弔古稅駕蕪城乃得躬造  
舊廬締交賢裔高山仰止夙願幸償雅尚  
清風欽慕靡爰於年譜之行也欣然命筆所  
不辭焉歲在己卯三月江安傅增湘撰



# 自序

有清三百年學術曠古盛業國初顧黃閻王諸家定其丕基惠戴段王極盛乾隆嘉道之交阮伯元優游宦海宰學海詰經造就甚衆夫揚州之地長江南迤淮濱北控運河縱走物豐人傑且當交通要衝文人墨客往來甚殷容甫石驪稱盛于前伯元休致回里延儒好文大振于後劉孟瞻先生文淇少俊異與同郡劉楚楨先生寶楠友善有揚州二劉之目先生雖應試不售未周遊天下而天下之士過從此地者皆願與交而並郡士流亦斐然各欲有所造述與先生道義切磋相得益彰治經校史學冠江淮當路鄉黨靡不推重子伯山亦文筆騰蹕凌厲排突前哲孫恭甫紹述祖業曾孫申叔名振海內不幸咸短命矣丁丑季秋余負笈燕京竊謂欲覘當時揚州之學派應先詳悉先生學行乃試編先生年譜然而編年譜之事似易實難其難在搜采資料之難期完璧聞先生



畢生大著春秋左傳舊注疏證八十卷存于滬而今不可寓目其讀書隨筆二十卷不知存亡尤爲憾也又若夢陔堂詩集黃存谷念樓集劉楚楨菴集梅蘊生舍是集王句生等所載之唱和應酬詩關於先生事迹雖多然先生所撰青溪舊屋詩集僅一卷概不能確核其年月其他若先生與校之四書說苑孫彥之秋槎雜記劉迥九等多難推定其年代而先生所注南北史燬于兵燹今不可以知其體裁矣知其難而爲之者亦嗜尙所在不能自已耳江安傅沅叔先生暨鹽城孫蜀丞先生及橋川子雍先生憐余不敏出示秘笈拳拳提撕始得脫稿乃逐錄清本質之通人余意所存謬承許可乃不自揣度授工付印惟博雅君子教正是幸昭和十三年戊寅七月後學日本上野小澤文四郎謹識于北京朗日廬

劉孟瞻先生年譜卷上

日本上野 小澤文

乾隆五十四年己酉 一歲

十月二十三日申時先生生於揚州諱文淇字孟瞻通義

略（以下通義堂集簡稱通集）籍儀徵居邗上青溪舊

簡稱青集）名屋云青溪舊屋又顏云光照堂

按先生四世孫劉容季師顏氏僑居天津寄余書云

城內運署東園門東寒家數世均居此宅

劉氏先世居溧水

高祖春和國學生始由溧水遷揚州以次子原作守備  
長子

將軍青集卷十先府君行略

按先生子毓崧 伯山所撰先考行略 通集卷六長子作次子劉寶楠楚  
楨所撰清故優貢生候選儒學訓導劉君墓表 念樓外集卷二作長子  
丁晏 儉卿所撰皇清優貢生候選訓導劉君墓誌銘 劉容季氏 臚錄作  
次子劉容季氏來書云起寅公係春和公次子按明清諸記傳無劉起  
寅者

曾祖起泰國學生祖暉與其從兄儒林君曠占籍儀徵補博士弟子

劉容季氏來書云自六世祖魯凡公 啟始占籍儀徵但久居揚州並未  
在儀徵卜居

父錫瑜 懷瑾一字琢齋 乾隆十四年己巳六月十四日生業醫昆弟六人  
伯仲早卒三伯父錫章僑居鹽城四伯父錫璜補郡文學出嗣儒林君後  
六叔父諱令聞 青集卷十先府君行略時父四十一歲

母凌氏江都處士驥女年二十五歸于劉 青集卷十先母凌孺人行略凌

曙曉樓姊藝舟雙楫卷八劉國子家傳時三十三歲

姊適同縣附學生員陳傳洛青集卷十先府君行略

陳傳洛行實未詳按續纂揚州府志藝文志傳洛著有春軒漫筆延禧堂集等

五十五年庚戌 二歲

五十六年辛亥 三歲

二月五日寶應劉寶楠楚楨生寶應劉楚楨先生年譜

按劉寶楠字楚楨別號念樓寶應人父履恂補授五河縣儒學教諭楚楨其幼子與先生友善有揚州二劉之目行實著述詳于姪曾孫劉氏

詩孫所編寶應劉楚楨先生年譜

五十七年壬子 四歲

十一月六日旌德姚配中仲虞生藝舟雙楫卷八清故文學旌德姚君傳

按仲虞至揚與先生交力攻漢學尤嗜漢易著有周易姚氏學十六卷

周易通論月令二卷琴學二卷等藝舟雙楫卷八有傳

五十八年癸丑 五歲

五十九年甲寅 六歲

六月二十日江都梅植之蘊生生青集卷十清故貢士梅君墓誌銘

梅蘊生傳詳道光二十四年

是年儀徵汪穀小城生青集卷八文學汪君傳

汪小城傳詳道光八年

是年山陽丁晏儉卿生續碑傳集卷七十四

按丁晏一字拓堂山陽人道光元年舉人卒於光緒元年年八十二所

著書四十七種凡一百三十六卷已刊者爲頤志齋叢書續碑傳集卷

七十四有傳

六十年乙卯 七歲

是年丹徒柳興恩賓叔生續碑傳集卷七十四

按興恩原名興宗丹徒人早歲至揚與先生交受業於阮雲臺初治毛詩後復闡穀梁大義卒於光緒六年年八十六著有穀梁春秋大義述三十卷周易卦氣輔四卷虞氏逸象考二卷尚書篇日考二卷毛詩注疏糾補三十卷續王應麟詩地理考二卷羣經異義四卷劉向年譜二卷禮儀釋宮考辨二卷史記漢書南齊書校勘記說文解字校勘記壹宿齋詩文集等續碑傳集卷七十四有傳

嘉慶元年丙辰 八歲

出就外傅居貪力學

按先生出就外傅者當始此自撰先府君行略青集卷十云每自塾歸必督課盡一燭率以爲常時值屢空親串有勸令廢讀者府君堅執不

肯又自撰先母浚孺人行略青集卷十云文淇少時出就外傳歸家君督課母室或無燭恒默坐聽誦聲以爲樂又云文淇初入學有小姓某饒於財欲得以爲婿陪奩許千金家君在秦州未歸親串多勸母許之可以救貧者母不允某道人婉言再三終不能得

二年丁巳 九歲

就外傳

三年戊午 十歲

就外傳

四年己未 十一歲

就外傳

五年庚申 十二歲

就外傳

六年辛酉 十三歲

就外傳

七年壬戌 十四歲

肄業梅花書院主講洪梧仍因窮勉學

按自撰先母淩孺人行略青集卷十云洪桐生先生主講梅花書院

文淇往受業人或勸令文淇訓蒙可少得脩脯以佐朝夕母以學未成

不許文淇每自書院歸省家或斷炊輒鬱邑累日母則諭以專心讀書

勿以家事爲念從桐生先生學凡四年而後授徒餬口焉又按四書典

故覈洪序云予昨歲主講梅花書院此序作於嘉慶十二年丁卯秋則

桐生之去講席當在嘉慶十一年丙寅故繫之此年

按徽州府志人物志云洪梧字桐生一字植垣歙虹源人兄朴榜皆先

卒親喪哀毀幾絕廬於墓側人稱其孝早歲入泮選拔貢生歲庚子高



宗南巡召試賜舉人授內閣中書時稱同胞三中書庚戌成進士改翰林院庶吉士授編修典浙江鄉試得人爲盛奉敕同纂修全唐詩出知山東沂州府時又稱同胞刺史慈和詳慎恤民愛士有蒲鞭自辱之風歸主講安定梅花書院茲誦不輟造就甚衆著有易箴二卷賦古今體詩最富藏於家

八十癸亥 十五歲

學于梅花書院

九年甲子 十六歲

學于梅花書院

是年始識涇縣包世臣 慎伯

按藝舟雙楫 卷八劉國子家傳云江淮間有篤行君子曰懷瑾劉君者嘉慶甲子余再至揚州識凌曙曉樓以識君及君子文淇孟瞻曉樓蓋

君妻弟也孟瞻時年十二三穎敏誠樸善讀書余尤愛之慎伯傳詳咸

豐三年

十年乙丑 十七歲

學于梅花書院

十月九日平定張穆石州生張石州先生年譜

按張石州先生年譜云初名瀛暹字誦風一字石州又字蓬仙別署季

洩季翹惺吾身齋晚號靖陽亭長山西平定州人卒於道光二十九年

十一月九日年四十五著有顧闔年譜二卷蒙古游牧記十六卷魏延

昌地形志二十卷北京人文科學研究所藏稿本首三卷身齋文集八

卷詩集四卷等

十一年丙寅 十八歲

始設帳授徒

按自撰先母凌孺人行略青集卷十云從桐生先生學凡四年而後授徒黜口焉

是年梅花書院主講洪梧退職四書典故嚴洪序

十二年丁卯 十九歲

受知於會稽莫侍郎與薛傳均子同補博士弟子

按莫侍郎名晉字錫三一字裴舟別署寶齋會稽人官倉場侍郎阮伯

元聘主戴山書院講席重刊黃梨洲明儒學案生於乾隆二十六年五

月五日卒於道光六年四月八日年六十六國朝耆獻類徵卷一百十

國史列傳卷三十五碑傳集補卷三有傳

按先考行略卷六通集云嘉慶丁卯受知於會稽莫侍郎取入縣學又

按自撰文學薛君墓誌銘青集卷十云予與君同居郡城又以嘉慶丁

卯同補博士弟子

薛傳均傳詳道光十一年

十三年戊辰 二十歲

是年始從友人所借得毛詩疏手自繕寫春秋左傳舊疏考正序

先生好詩包慎伯勸令治毛鄭詩因識包世榮季懷

按藝舟雙楫卷二十九弟季懷學詩識小錄序云戊辰秋乃攜季懷至

揚州世臣出遊久多識前輩得讀書之要領揚州士人常過從者輒以

所聞授之而江都凌曙曉樓至誠篤曉樓之甥儀徵劉文淇孟瞻尤穎

慧時歛洪桐生先生主講梅花書院善世臣甚世臣所許可者輒召入

院膳給之使與其養子敏回子駿甥閔宗肅子敬共几席世臣以曉樓

熟禮記遂與之言鄭氏禮而使治之孟瞻好詩遂使治毛鄭氏詩季懷

與孟瞻同業子駿年最少而神解驚絕尤相善已而旌德姚配中仲虞

在江寧聞季懷之說治漢易族子慎言孟開亦從季懷受詩先後來揚

州而丹徒汪沅芷生治毛氏甘泉薛傳均子韻治許氏皆善季懷朝夕  
與砥礪相勸以力學包世榮傳詳道光六年

十四年己巳 二十一歲

家計稍裕始免揭債

按自撰先府君行略青集卷十云自六十後家計稍裕始免揭債有餘  
即以周窮乏

十五年庚午 二十二歲

十六年辛未 二十三歲

十七年壬申 二十四歲

是年門人薛壽生

按薛壽字介伯晚字价伯揚州江都人初師事梅蘊生後乃受經於先  
生晚年南皮張之洞淑經心書院聘价伯主講席卒於同治十一年四

月二十七日年六十一著有續文選古字通二十卷讀經剖記二卷學  
詁齋文集二卷外集二卷詩集二卷劉壽曾恭甫爲作傳載在續碑傳  
集卷七十九

十八年癸酉 二十五歲

是年娶甘泉黃紹堯女秀貞時秀貞年二十一通集卷六先母黃太孺人行  
略

按外祖黃公家傳通集卷六云紹堯字峻封一字藕船國學生生於乾  
隆四十七年正月二十五日卒於道光十二年二月十八日年六十一  
孫女素芬毓崧繼室也

十九年甲戌 二十六歲

歸安王侍郎歲試揚州擢先生置一等第一補廩膳生通集卷六先考行略  
按王侍郎名以銜字署冰號勿庵歸安人官禮部右侍郎生於乾隆二

十年辛巳十一月二日卒於道光三年十二月年六十三續碑傳集卷

八有傳

二十年乙亥 二十七歲

二十一年丙子 二十八歲

始於薛傳均所識汪穀青集卷八文學汪君傳

二十二年丁丑 二十九歲

是年洪梧卒年六十八

按群玉堂日鈔生日自嘲有句云行年六十五春秋此書爲桐生甲戌

年稿故丁丑爲六十八自明矣

七月庚戌撰祭洪桐生師文與包世臣翟慎典凌曙包世榮薛傳均等致祭

青集卷十

祭文云維嘉慶二十二年歲次丁丑七月庚戌包世臣翟慎典凌曙包世

榮薛傳均劉文淇等謹以清酌庶羞之奠致祭於桐生夫子之靈而言曰  
嗚乎喬柯墜葉秋陽匿曜怪鵬書占靈虵夢告金龜孰投赤丸曷效寂寞  
黃壚悽愴元校緬惟夫子經師人師傑直五夜出守一麾著作在朝政績  
在沂史臣華袞邦人祝尸汲黯辭官文翁主講五百學徒三千都養飲食  
教誨誘掖勸獎如何奄忽遽遊泲濟廣廈一空泰山安仰世臣薄遊滯迹  
邗水屢辱行滕頻蒙倒屣播諸鉅公期以國士說甘於肉言莫逆耳北海  
薦禰荊州識李我謁都門公游蒿里杖履竟違飯含未視將誄先生責在  
後死慎典不材輟駒促局執友情敦同館誼篤馬帳聽經鄒門著錄偶焉  
窺豹輒許折鹿先業屢稱後嗣是勗頻年客遊今茲歸復擬謁講筵詎登  
僊錄哀憤填膺涕泗盈掬曙生窮巷獲侍禮堂執竿漂麥挾策亡羊拔我  
闌闔置我宮牆深憐孤露非分揄揚兼校劉錄略涉曹倉忍辭淮浦愁泛  
衡湘楓林閃黑梁月昏黃永隔顏色痛絕肺腸世榮單寒從兄問學龍門



撰履鱣堂抱樵猥以碌碌猶承瑤琢親授一經躬御三爵小善則揚微疵  
必索三益是獎寸心轉作寢疾幾時問安猶昨云何悲吹不聞警鐸傳均  
束髮側聞德馨請業南閣問字雲亭奇觚握素汗簡削青薦之宗匠謂能  
詰經時荷折柬滋慚叩筵常憐屈蠖不辭燭螢悲風弗弗涼雨冥冥云何  
輟瑟不啟重局文淇鷲鈍未能遠鷺退飛若鷗不遷如鶯恭承誨言稍知  
警悟弄筆解頤廢書逢怒雷羈祥風載沾雨露烈烈震霆頓撥雲霧哀哉  
長辭邈焉莫遇恩鏤寸丹悲纏尺素嗚乎魂衣在座遺挂在室防有舊交  
翻無弔客淚冷荒苔聲淒秋蟀所翼濟美端賴二難競秀華鄂齊芳蕙蘭  
魂魄攸託骸骨未寒高春一逝朝露遂晞相嚮而哭如無所歸奠以濁酒  
侑以荒辭靈來彷彿魂兮有知嗚乎尙饗

翟慎典涇縣人行實未詳

凌曙字曉樓一字子昇江都人生貧力學爲塾師愛先生穎悟而教之